

7

11. marz

L Ö G

um

Útvegsbanka Íslands h/f og um Íslandsbanka.

Vér Christian hinn Tíundi, af guðs náð konungur Íslands og Danmerkur,
Vinda og Gauta, hertogi í Slésvík, Holtsetalandi, Stórmæri, Þéttmerski,
Láenborg og Aldinborg,

Gjörum kunnugt: Alþingi hefir fallizt á lög þessi og Vér staðfest þau
með samþykki Voru:

I. KAFLI.

Um Útvegsbanka Íslands h/f.

1. gr.

Stofna skal hlutafélag, er heita skal Útvegsbanki Íslands h/f og hafa
skal það verkefni að starfrækja banka, er sérstaklega skal styðja sjávarútveg,
iðnað og verzlun landsmanna.

2. gr.

Hlutafé félagsins skal nema allt að 2½ milljón króna. Af þeirri upp-
hæð skal rikissjóður leggja fram 1½ milljón króna, en viðbótarinnar skal
aflað með hlutafjársofnun innanlands samkvæmt opinberu útboði, þegar full-
trúaráð bankans ákveður, að fengnu samþykki fjármálaráðherra. Fé það, er
rikissjóður leggur fram samkvæmt grein þessari, er ríkisstjórninni heimilt að
taka að láni.

3. gr.

Heimili bankans, aðalskrifstofa og varnarþing skal vera í Reykjavík.
Auk þess getur bankinn haft útibú og umboðsskrifstofur á þeim stöðum, er
bankastjórar og fulltrúaráð telja þörf á.

4. gr.

Bankanum skal heimilt að taka við peningum sem innláni eða með
sparisjóðskjörum eða á hlaupareikning, að kaupa og selja víxla og ávísanir,
að veita lán gegn tryggingum og að annast öll önnur venjuleg bankastörf.

5. gr.

Bankinn skal eiga a. m. k. sem svarar 10% af innlánsfé með spari-
sjóðskjörum í tryggjum og auðseldum verðbréfum, svo sem rikisskuldabréfum,

verðbréfum Landsbanka Íslands, Búnaðarbanka Íslands og öðrum jafntryggum 7
verðbréfum. Verðbréfaeign þessa skal hækka upp í allt að 20%, ef fjármála- 11. marz
ráðherra, að fengnum tillögum fulltrúaráðs bankans, telur þess þörf.

6. gr.

Aðalfundur hluthafa félagsins kýs fimm manna fulltrúaráð með hlutfallskosningu, en fulltrúaráðið ræður bankastjóra, ákveður tölu þeirra, laun og ráðningarkjör. Í reglugerð bankans skulu settar reglur um skyldur og störf fulltrúaráðs, en fulltrúaráðið setur bankastjórunum erindisbréf. Fjármálaráðherra kallar saman fyrsta aðalfund hlutafélagsins jafnskjótt og fullnægt er skilyrðum þeim, er ræðir um í 12. gr., sbr. 14 gr., eða liðinn er sá tími, sem fjármálaráðherra hefir ákveðið samkvæmt 16. gr. til uppfyllingar þeim skilyrðum.

7. gr.

Á hluthafafundum félagsins skulu engar takmarkanir vera á atkvæðisrétti að því er hlutafé rikissjóðs snertir.

8. gr.

Á fyrsta aðalfundi félagsins skal setja því samþykktir. Þá skal og setja reglugerð um starfsemi bankans. Samþykktir félagsins og reglugerð bankans skulu liggja undir samþykki fjármálaráðherra. Í samþykktum og í reglugerð má setja nánari ákvæði um félagið og um bankann, og skulu þar á meðal vera ákvæði um endurskoðun á reikningum bankans.

9. gr.

Hlutafélagið skal njóta sömu sérréttinda og Landsbankanum eru veitt í 50., 52. og 55.—58. gr. laga nr. 10, 15. apríl 1928.

II. KAFLI.

Um Fiskiveiðasjóð.

10. gr.

Atvinnumálaráðherra skal heimilt að gera samning við Utveggsbanka Íslands h/f um það, að bankinn taki að sér stjórn og starfrækslu Fiskiveiðasjóðs Íslands, þannig að sjóðurinn verði sérstök deild í bankanum með aðskildum fjárhag og sérstakri bókfærslu, og fari að öðru leyti um sjóðinn eftir þeim reglum, er um hann eru settar í lögum þeim og reglugerðum, er um hann gilda.

III. KAFLI.

Um Íslandsbanka.

11. gr.

Ríkissjóður leggur Íslandsbanka 3 milljónir króna sem forgangshlutfé, og greiðist fé þetta af núverandi skuld Íslandsbanka við ríkissjóð (enska láninu).

12. gr.

Hlutfjárframlag ríkissjóðs, það er ræðir um í 11. gr., er bundið eftirfarandi skilyrðum:

- a. að lagt verði fram að minnsta kosti $1\frac{1}{2}$ millj. króna forgangshlutfé með hlutfjársoöfnun innanlands af öðrum en aðallánardrottnum bankans. Samþykki fjármálaráðherra þarf til þess, að þetta forgangshlutfé megi fara fram úr 2 millj. kr.
- b. að hagkvæmir samningar fáið við aðallánardrottna Íslandsbanka erlendis um greiðslu núverandi skulda bankans til þeirra, þannig að eigi minna en $4\frac{1}{2}$ millj. af þeim skuldum verði annaðhvort forgangshlutfé í bankanum eða gangi næst forgangshlutfénu um áhættu. Af þessari upphæð fari þó forgangshlutfé ekki fram úr $1\frac{1}{4}$ millj. kr.

13. gr.

Núverandi hlutfé Íslandsbanka skal afskrifað sem tapað og hlutabréf fyrir því felld úr gildi.

14. gr.

Pegar skilyrðum þeim, sem nefnd eru í 12. gr., hefir, að dómi fjármálaráðherra, verið fullnægt, skal Íslandsbanki renna inn í Útvegsbanka Íslands h/f og hætta að vera til sem sjálfstæð stofnun. Tekur þá Útvegsbanki Íslands h/f við öllum eignum, skuldum og ábyrgðum Íslandsbanka og kemur að þessu leyti í hans stað.

15. gr.

Pegar ákvæði 14. gr. koma til framkvæmdar, bætist forgangshlutfé í Íslandsbanka, sem getið er um í 11. og 12. gr., við hlutféð í Útvegsbanka Íslands h/f sem almennt hlutfé samkv. 2. gr.

Sedla Íslandsbanka, sem í umferð eru, skal þá og draga inn.

Um ráðstafanir á gullforða bankans og um endurkaup Landsbankans á viðskiptavíxlum Íslandsbanka fer eftir þeim reglum, sem hingað til hafa gilt. Fjármálaráðherra setur nánari reglur um innköllun sedlanna.

IV. KAFLI.

7

11. marz

Akvæði til vara.

16. gr.

Verði skilyrðum þeim, er getið er í 12. gr., eigi fullnægt innan þess tíma, sem fjármálaráðherra ákveður, skal bú Íslandsbanka tekið til skipta-meðferðar.

Skiptin framkvæmir skilanefnd þriggja manna, er fjármálaráðherra skipar, og taka þau til meðferðar á bankabúinu frá lokunardegi bankans 3. febrúar 1930.

17. gr.

Meðan skiptin standa yfir, má hvorki taka til greina neina kröfu um gjaldprotaskipti í búi bankans né leggja löghald eða löggeymslu á eignir hans, eða gera í þeim fjárnám eða aðra fullnustugerð.

18. gr.

Við skiptin skal farið eftir reglum þeim, er gilda við gjaldprotaskipti um skuldajöfnuð, um ógildingu gerninga, fjárnáms eða löggeymslu og um skuldaröð. Öðrum ákvæðum skiptalaganna og laganna um gjaldprotaskipti, þeim er eigi lúta að sjálfri skiptaaðferðinni, skal og beitt, eftir því sem unnt er.

19. gr.

Skilanefnd skal heimilt að taka lán til að greiða með afborganir til skuldheimtumanna bankans, enda verði þeir, er lán þessi veita, forgangs-kröfuhafar í búinu, samkv. 82. gr. skiptalaganna.

20. gr.

Ríkissjóður tekur ábyrgð á seðlum bankans, þeim er í umferð eru við upphaf skiptameðferðarinnar. Frá þeim tíma má bankinn eigi gefa út nýja seðla. Ákvæði þetta haggar í engu ábyrgð bankans á seðlunum gagnvart handhöfum þeirra og ríkissjóði.

21. gr.

Fjármálaráðherra skal heimilt að setja í reglugerð nánari ákvæði um skiptameðferðina, m. a. um reikningsskil, endurskoðun, innlausn seðla og hluthafafundi. Endurskoðunina framkvæma tveir endurskoðendur, er fjármálaráðherra skipar.

Í reglugerð þessari er fjármálaráðherra heimilt að vikja frá lagafyrirmælum um bankann, sem eldri eru en lög þessi, að svo miklu leyti, sem þörf krefur.

Reglugerð bankans gildir eigi meðan á skiptunum stendur.

7

22. gr.

11. marz

Kostnaður allur við skiptin, þar á meðal laun skilaneðndarmanna og endurskoðenda, greiðist sem forgangsskuld, samkv. 82. gr. skiptalaganna, af eignum búsin.

23. gr.

Fjármálaráðherra getur leyft, að skjöl, sem gefin eru út um lán gegn tryggingu í kröfum á hendur bankanum, séu stimpilfrjáls að meira eða minna leyti.

24. gr.

Lög þessi öðlast gildi þegar í stað.

Eftir þessu eiga allir hlutaðeigendur sér að hegða.

Gjört á Amaliuborg, 11. marz 1930.

Undir Vor konunglega hönd og innsigli.

Christian R.

(L. S.)

Einar Arnason.